



UNIVERSITÄTS-
BIBLIOTHEK
PADERBORN

Universitätsbibliothek Paderborn

Monumenta Paderbornensia

Ferdinand <Paderborn, Bischof, II.>

Lemgoviae, 1714

Monitum Typographi ad Lectorem.

urn:nbn:de:hbz:466:1-8040



MONITUM
 TYPOGRAPHI ad LECTOREM.

Quid in hâc quartâ, eâque præstantissimâ, editione Monumentorum Paderbornensium præstitum sit, paucis monendum esse censui. Primò Textus incorruptus ad Manuscriptum & editum Codicem Illustrissimi Auctoris, cum notis posthumis ejusdem, nunc demum integerrimè editur. Secundò adjungitur Vita Ferdinandi Episcopi & Principis, Auctore Reverendo Patre Lucâ Nagelio, S. J. celeberrimi nominis & famæ; Nec non Manes Ferdinandæi, sive Lessus & Lacrumæ Parentales, quas funeri Illustri Pallas, sive Minerva, Theodoriana Paderbornensis affudit. Tertiò exhibentur hic ipsæmet figuræ æneæ
 Amste-

Amstelodamenses, ab Illustrissimo Libero Barone de Fürstenberg, unico hærede omnium possessionum avitarum Fürstenbergicarum, typographo gratiosè communicatæ, quod ipsamet ocularis inspectio legentes & intuentes docebit. Quartò accedit, in hâc quarta editione, integra Genealogia Fürstenbergica, novis accessionibus Genealogicis & Historicis hinc inde aucta, correctâ, & ad hoc usque tempus deducta. Quintò, de typorum & chartæ nitore, nihil hîc dicam, ne propriam laudem crepare videar. Artificem laudabit opus. Quin ergo hæc editio omnibus aliis, imò etiam nuperrimæ editioni Norimbergensi longissimè sit præferenda, nulli superesse dubium existimo. Penes Lectores & Emptores judicium esto. Vale, Benevole & Erudite Lector, & conatibus nostris, rei literariæ juvandæ paratissimis, ut facis, fave. Et me ad ulteriora currentem Tuò favore impelle.

BERNAR-